

الثابت والمتحير في حياة المسلم وعلاقاته الاجتماعية | د. أحمد عبد المنعم

أحمد عبد المنعم

عبد المنعم

بسم الله والصلوة والسلام على رسول الله صلى الله عليه وسلم يعني جلسة سريعة كده نأتي الدكتور احمد سيف حصل له بس ظرف طاري وقال لي ان شاء الله يحاول يأتي باذن الله سبحانه وتعالى - 00:00:00

يعني في معنى نحاول نتكلم عنه في مسألة ترتيب حياة الانسان المسلم في ترتيب حياة الانسان المسلم ممكن نضع عنوان آآ الثابت والمتحير في حياة المسلم ثابت ومتغير في حياة المسلم - 00:00:28

مش كل شيء في حياتنا هو عبارة عن اه ثوابت لأ ممكن تكون هناك اشياء آآ قابلة للتغيير ومش كل حياتنا هي متغيرات. يعني احنا عندنا ربنا سبحانه وتعالى حتى مسلا في ابواب العبادات - 00:00:44

ربنا سبحانه وتعالى امرنا اقامة خمس فروض في اليوم والليلة. دي ثوابت ما فيش فيها نقاش. فدي مش محتاجين ان المسلم لما بيجي يضع ثوابت في حياته بيبدأ يحط ان في مواعيد الفجر والضهر والعصر والمغرب والعشاء دي ثوابت دي مش محتاجة نقاش. الثابت اللي بيبدأ مع الزمن يتحول - 00:00:59

في حياتك انه امر غير قابل للنقاش لسه قارئ اثر حد تقريبا اه اعرابي بمناسبة التريند بتاع الاعرابي حد كان كاتب ان اعرابي فقد ولده او او اصيبي يعني بشيء فيبهونوا عليه بعد فترة يعني بيقولوا يعني هون عليك والامر سهل. فقال ما ترك - 00:01:20 لنا حب الطعام حزنا او حب الغداء والعشاء حزن. يعني عايز يقول في حاجات احنا بنضطر نمارس فيها حياتنا تلقائي. عادي اانا باكل وبتغدى وبتعشو وبنام. فدي اصبحت سوبت في حياة الانسان. الانسان محتاجها. مش معقول هييجي يتناقش. اانا همنع النوم تماما ولا همنع الاكل تماما؟ دي بقت سبب ففي سواب - 00:01:40

الطبيعية البدن بيحاجها. في ثوابت دينية في حياة الانسان ما ينفعش يبقى فيها نقاش. وكل ما المسلم بيعلو في درجات ايمان كل ما الثوابت الدينية عنده بتزداد يعني في واحد بيضيف للصلوات الخمس الوتر - 00:02:00

وبعدين في واحد بيضيف السنن الرواتب وبعدين واحد بيضيف جزء آآ صلاة الضحى مع كل ما يرتفقي في درجات الايمان بتتصبح هذه الامور ثوابت لدرجة ان النبي صلى الله عليه وسلم كان بيقضي النافلة - 00:02:17

يعني النبي صلى الله عليه وسلم اذا فاته ورده من الليل يعني اللي هي الصلاة في قيام الليل. تاني يوم يقضيها الصبح. يعني هي اسمها قيام الليل لكن هو مش هيستنى لليلة اللي جاية يبقى راحت خالص. لا يقضيها بالنهار. فلو كان بيصلِي حداشر ركعة بالليل يصلِي اتناسِر ركعة بالنهار. لأن صلاة النهار مثنى - 00:02:31

على خلاف في كلمة النهار يعني. لكن الشاهد ان النبي صلى الله عليه وسلم كانت ممكن تفوته سنة النهار يقضيها بعد العصر لما جاءوا قوم واطالوا الجلوس عنده صلى الله عليه وسلم وقضى نافلة الظهر. فاصبحت فيه اشياء - 00:02:52

ثابتة في حياة النبي صلى الله عليه وسلم. فكل ما الانسان يرتفق ليتصبح عنده اشياء ثوابت في الدين. وكل ما تكون حياته آآ اكثر تحطيطا وترتبيا آآ بيدير حياته بشكل ناجح. تجد عنده يعرف يجاوب - 00:03:08

على السؤال. ده ثابت ولا متغير الشيء اللي بيعمله ده سواء مشوار زيارة امر دينوي شغلانة ايا كان يعرف يجاوب ده امر يتغير مع الاحداث ولا ده امر ثابت له مواعيد ثابتة - 00:03:24

طيب النقطة اللي انا عايز انكلم فيها ان في طبيعة بتحب ان كل الحياة تبقى مستقرة كلها سوا بت ما فيش فيها متغيرات. لو حسان في اي حاجة من حياته اتغيرت يتوتر - 00:03:39

حصل له حالة من التوتر وما يبدأش يستقر غير لما ايه؟ كل حاجة مواعيد نومه سابتة. والاكل مواعيد سابتة. والاولاد آكل حاجة مدارسهم وكل كل حاجة مستقرة تماما. اي لخبطه - 00:03:53

صغيرة او اي شيء يكون متغير في حياتي يضجر. احس انه مش عارف يكمل مش عارف خصوصا انا هنا بتكلم عن المعاني الدينية. انا مش بتكلم بصفتي مصلح اجتماعي وان احنا ننجح في حياتنا وكده. ده مش دوري. لكن انا بتكلم في ادارة دينك - 00:04:07 في ادارة دينك ازاي انت تحافظ على اورادك؟ ازاي تحافظ على حياتك الدينية؟ على نشاطك الديني. ازاي ان انت لك اعمال دينية بتقوم بها؟ فازاي تحافظ على ده سواء بقى حفظ القرآن الدعوة طلب العلم ايا كان المجهود اللي هتعمله لنصرة الدين ازاي انت تحافظ عليه فيه اشخاص يقول لك - 00:04:23

انا عشان انتاج في الدين يحتاج حياتي تكون في قمة السبات يعني انا محتاج يكون آآ المسجد ما فيش فيه صوت. يكون المكان مستقر محتاج يكون الاولاد بيناموا في وقت معين - 00:04:45

والاكل يكون في وقت معين والفلوس بتجي بشكل معين. يعني محتاج ان كل حاجة تكون في قمة الاستقرار. ده عشان يبدأ ينتج. غير كده يقول لك لا انا مش هعرف آآ - 00:05:01

مش هعرف اعمل حاجة في الدين وفيه واحد عكسه بقى تماما. فيه واحد في قمة الملل بيمل سريعا ملول ضجر لو مش كل شوية في حياته طالعة وتغيير تلاقيه بيمل يمشي في حفظ القرآن يسخن يقول لك احنا آآ في مسابقة او في طريقة لحفظ القرآن في شهر كاملا - 00:05:11

قولوا طبوا لي احفظوا في تلات سنين. يقول لك لأ تلات سنين شهر او شهرين رجب وشعبان حفظ القرآن قبل رمضان ونراجع في رمضان خلاص ويُسخن وهو بيحب ده جدا. ويروح اول اسبوع يحفز البقرة وال عمران. وبعدين زهق يقوم سايق. وبعدين قال لك مشروع حفظ السنة - 00:05:33

طيب روح وبعد كده يروح يحفز اول خمسمية حديث في البخاري وبعدين يضجر. وبعدين اللي حافز السنة عملوا ايه؟ فيسمع مسلا عن دورة في العقيدة في الفقه في الدعوة في نزول انه يكلم الناس في الشارع. كل ما يسمع عن حاجة جديدة يُسخن هو حياته بتقوم على الطلعات - 00:05:54

انه يُسخن فينطلق شوية بعد ما يجريها بيعمل ايه ده انا ما كنتش متتصور الموضوع كده شف حاجة بديلة حياته كلها قائمة على طبعا. نادر انك تلاقي في الشخص ده حاجة في حياته سابتة - 00:06:13

يعني مسلا لو سأله ايه الحاجة السابتة في حياته اللي على مدار سنة سابتة يعني انت هات سنة كده ورا او سنتين ايه اللي سابت في حياته بقى لك سنتين بتعمله - 00:06:32

طبعا في العوارض البشرية ان هو تعب رمضان سافر الحج. مش بتكلم على العوارض دي انا بتكلم ايه اللي بقى لك سنة انت مواطن عليه او سنتين؟ هل بتحفظ قرآن مواطن عليه بقى لك سنتين؟ هل بتدي درس في ميعاد سابت ومكان سابت؟ سنتين؟ هل بتطلب علم - 00:06:43

روح لشيخ بقى لك سنتين في نفس الموعد ويترقى فيه. قدرت تتحقق ده. ده لعلاج الشخصية الثانية. الشخصية الاولى اللي حياتها بقت في قمة الاستقرار وحياتها بقت مكعبات مرصوصة جنب بعضها. ده برضو محتاج يتغير شوية - 00:07:01

محتاج يتعلم ان في افاق في الدين لا تفتح الا بن هو يسيب مساحة في حياته فاضية عشان يتحرك. يعني كل ما يتقابل له تعالى نجرب حاجة في الدين او تحفظ - 00:07:18

احفظ حاجة جديدة او تتعلم شيء جديد او تبني نفسك او تطور من نفسك عن حياتي وايه استقرروا على كده برجع من الشغل الساعة كذا وبعمل كذا. وحياته ايه متستفة جنب بعضها. ما فيش اي مساحة انك تزق الحاجات دي وتدخل اي حاجة جديدة. مهمما -

ما كانت مهمة مهما كانت انية. الدين بيطب الان يعني احيانا الدين بيطب منك حاجات على على المدى البعيد واحيانا بيطب منك حاجة قلقان يعني مسلا صلاة الخسوف. الوقت لازم تنزل تصلي خسوف. الساعة ثلاثة الساعة اربعة صلاة الكسوف في الساعة تمانية.

الوقتي هنصلی - 00:07:44

طب اصل انا مش ده مش معاد صلاة مناسب بالنسبة لي. لا ما انت تحتاج تربى نفسك على ده في جنازة مسلا انت تحتاج الدين زي ما فيه مواعيد سابطة فيه مواعيد صلاة سابطة ده حتى على مستوى العبادات فيه مطالب انية - 00:08:06

يبقى اذا الانسان الملزوم اللي عايز يتبني في الدين صححتاج يجمع بين الشخصيتين دول. لا يكون الشخصية اللي كل حاجة في حياته في قمة الاستقرار والرتابة والثبات واي تغير فيها بسيط يضجر - 00:08:20

لأ مش هعرف مش هكمel غير لما الدنيا كلها كل حاجة وكوباهة الشاي في الميعاد المناسب وكل حاجة مع الناس يبدأ ماشي عكسه الشخصية الایه؟ بتاعة الطعات. اللي هو ما بيعرفش يعيش مستقر اصلا - 00:08:37

ما يستحملش يعيش مستقر فترة طويلة. ده يحتاج يتعلم الثبات شوية ويضغط على نفسه والثاني يحتاج يتعلم انه يتاخر كده حاجات في حياتي ويدخل فيها اشياء جديدة من الدين المتتابع لسيرة النبي صلى الله عليه وسلم - 00:08:54

وده الشيخ احمد سيف بقى معكم في سلسلة السيرة. بيجد ازاي النبي صلى الله عليه وسلم كان عنده القدرة بتوفيقه من الله سبحانه وتعالى النبي صلى الله عليه وسلم انه بيتكيف مع الاوضاع - 00:09:13

وبيعمل حاجتين ببعض اعمال سابطة يعني مسلا راح المدينة يعمل اعمال سابطة. يبنوا المسجد ويكون فيه اقامه الصلوات. لما يعوزه النبي صلى الله عليه وسلم يلاقوه في المسجد يعني حصل حاجة؟ هلم بنا الى رسول الله صلى الله عليه وسلم. له اماكن سابطة بيتوارد فيها - 00:09:29

على مدار سنوات عايزين النبي صلى الله عليه وسلم بقى فين؟ يروحوا الاول يدوروا في المسجد. ما لقهوش في المسجد ممكن يشوف بيذور حد من الصحابة آآ بيصلي يعني اكيد في حاجة - 00:09:46

عمل ديني جنازة وفي نفس الوقت كان بتحدد متغيرات. يعني برغم ان الاعمال السابطة النبي صلى الله عليه وسلم كان له مجلس علم. كان بيروح يعظ النساء بل حتى في حياته الخاصة صلى الله عليه وسلم كان له آآ اعمال سابطة مع زوجاته. كان له هدي ثابت انه يدخل عليهم بعد صلاة الفجر - 00:09:58

ان بعد صلاة الفجر وبعد صلاة العصر وله طريقة معينة وترتيب لحياته وترتيب الليالي بين البيوتات النبي صلى الله عليه وسلم. بقى اذا كان له اوضاع ثابتة مستقرة. يعني كان له اسرة. كان له حياة مستقرة. في اشخاص ما تحبس بقى لها حياة مستقرة - 00:10:20

يعني هو مش عايز يتجوز لانه ما بيعرفش يعيش حياة مستقرة. يقول لك الجواز رابطة وزوجة واولاد ومواعيد مدارس ومواعيد مش عارف ايه هو ما بيحبش يعني لو جيت هو مش عايز يعيش الحياة دي - 00:10:39

هو عايز يكون ايه؟ حر طليق وقت ما يحب يعمل حاجة يعملها. مش عايز يتربط باي روابط معينة خلاص نيجي نكمل مع الشخصية الاولانية ازاي ان النبي صلى الله عليه وسلم استطاع انه يعمل اعمال سابطة يقيم مجتمعات فيها نوع من الاستقرار يعني في تآخي - 00:10:53

مهاجمين الانصار فيه مسجد بيلتقوا فيه. فيه اعمال بتقوم فيه تعليم فيه ناس قاعدة في مكان اهل الصفة. ازاي النبي صلى الله عليه وسلم عمل مجتمع فيه نوع من انواع الاستقرار - 00:11:13

وسوق للتجارة لكن كان بتحدد كل شوية متغيرات تحصل مسلا غزوه بدر وبعد كده بيجوا المشركون في غزوة احد. طب هنطلع برة ولا نقدر في المدينة؟ وبعدين بيجوا يحاوطوا المدينة في الخندق. وطوال الفترة دي لغاية بقى فتح مكة - 00:11:23

النبي صلى الله عليه وسلم قاعد بيدرس الاوضاع. وان دي القبيلة دي ممكن تهاجمنا. احنا محتاجين نبعث لها سرية. والطريق ده قريش بتسعمله للتجارة. احنا محتاجين نسبق ونضغط اقطع الطريق ده وكان النبي صلى الله عليه وسلم قاعد بيفكر وبيخطط

وبيربت لادارة مدينة النبي صلى الله عليه وسلم هزه المدينة اللي بتتشا - 00:11:40

حتى بعض الكتاب كان بيقول اسمها المدينة سميد بألف ولا م مدينة لان اي مدينة تنشأ بعد ذلك تنشأ على هذا النسق اللي عايز ببني مدينة ويعمل نوع من التمدن بدل التنقل في الصحاري كالاعراب. وعايز يعمل بلد فيها استقرار ببنيها على هزا النسق - 00:12:00
بسام يتقال المدينة بالالف واللام ونورت بدخول النبي صلى الله عليه وسلم فيها فاذا النبي صلى الله عليه وسلم زي ما استطاع انه يعمل في حياته علاقات فيها نوع من الثبات - 00:12:20

يعني مش مسلا علاقته بابو بكر بايي بكر الصديق وبعمر الخطاب متغيرة لأن في في حياتي علاقات سابقة ودي ايضا بتجرنا المسألة اللي كنت هتكلم فيها ان شاء الله. مسألة ان الثابت والمتغير ده بينسحب في علاقتك. في حياتك. يعني زي ما بنسحب في ترتيب اوقات - 00:12:34

بينسحب على آآ ترتيب العلاقات. هنأجل بس موضوع العلاقات لما اخلص الفكرة دي الاول النبي صلى الله عليه وسلم زي ما استطاع انه يعمل مجتمع فيه نوع من انواع الثبات - 00:12:53

كان بيتكيف مع المتغيرات. في متغير بيطلب الان انه يخرج من بيته صلى الله عليه وسلم ولو في منتصف الليل يبقى عنده القدرة النفسيه ان الوضع المستقر اللي تعب فيه عشان يخليه مستقر يهد حته صغيرة منه. مع انه يحافظ على استقرار الباقي - 00:13:03
وبعدين يرجع لحالة الاستقرار وبعدين يجي متغير فيشوف على حسب الاولويات ايه من الحاجات المستقرة اللي لازم تكون مستقرة ينفع من مبدأ الاولويات يتحط ده مكانه الان. وبعدين يرجع تاني يخليه مستقر - 00:13:23

التنقل بين الثابت والمتغير ده عايز نفسية العبودية انك انت مش بتدور على راحتك. انت بتبحث عن الارض لله سبحانه وتعالى.
فالارض لله ان يكون في علاقة سابقة مسلا مع الاب والام - 00:13:39

والارض لله ان في علاقة مستقرة كاسرة والارض لله ان الدين احياناً بيطلب منك طلعتات معينة لانك لازم تعملها اللي بيجرب حياة الطلعتات مش عايز حياة الاستقرار اللي بيجرب حياة الاستقرار مش عايز حياة الطلعتات - 00:13:53

اللي بيتنقل من سخن وبارد وبارد وسخن. انت تحتاج تتدرب على ده محتاج نفسیتك تتدرب على ده. مش عايز يا اما تبقى حر تليق ما حدش بيكلمك ولا مراته حاجة. ولا حياتك في قمة الرتابة وكل ما يطلب منك - 00:14:09

ان في حاجة انية الان مطلوب مسلا الاعتكاف انك تغير نزام حياتك لأن مش متعود على كده مش عاوز ان انا انا على الارض والاكل الغريب اللي بيجيده لنا دوت مش متعود انا على النزام ده - 00:14:22

لأ انا لي نزامي الخاص وقهوتى اللي بتيجي في ميعاد معين لي السيستم بتاعي اللي لو سمحت ما ايه ما حدش يغيره مش قابل ان اي تغيير عايز حياته تفضل كده دايماً. وفيه شخص تاني - 00:14:38

عادي جداً قلت له اعتكاف كده في نص الاتجاه ده احنا هنلغي فكرة الاعتكاف ونقبله اي ملاهي ما فيش مشكلة عادي يعني هو عنده حياته قابلة كلها للايه؟ للتغير. تيجي نقول له هنقدر بقى خمس شهور نعمل حاجة بمعدل مرة أسبوعياً - 00:14:52

انت مجنون خمس شهور ليه؟ احنا نقدر اسبوع نخلصها لا في حاجات ما بتجييش كده يعني في حاجات ما بتجييش كده نيجي نعمق اكتئشوية في مسألة الاسقاط على واقعنا الديني - 00:15:13

الواقع العلمي بيناسوا اكتئشوية الشخصية الثابتة المستقرة والواقع الدعوي بيناسبه اكتئشوية الشخصية اللي بتتغير. لأن الواقع الدعوي على طول بيطلب منك يعني انت لو جيت فتحت يومياً السوشيال ميديا هتجد انت في مشكلة جديدة - 00:15:29

والداعية مطالب بالفعل على حسب مكانه آآمش مش كل الدعاة مطالبين بنفس المطالب يعني انه يتفاعل مع الحدث يعني مسلا زي مقتل المسلمين اللي استشهدوا نحسبيهم كذلك في مسجد في نيوزلندا. ده انت تحتاج تتفاعل مع الحدث ده. ما تتعاملش بنوع من الاغفال - 00:15:47

قلت مش كل الدعاة كل واحد حسب الامكانيات والمواهب والتتصدر مسلا قضية سوريا قضية فلسطين. شوية مسائل في الالحاد.

شوية طعن في البخاري بقت موضة دلوقتي كل داعية عايز يعمل حركات يقول طالع على فكرة انا البخاري مش عاجبني -

00:16:08

يعني ايه فانت كل شوية بيجي لك حدس وبيأسر على الناس وكداعية بيتوjob عليه انه لا يكتم العلم محتاج انه يتفاعل مع ده. فيلم نازل جديد في طعن في الاسلام -

00:16:27

فهو حياته مبنية اصلا ان فيه تغيرات كتير العلم مش كده. العلم هي معلومة بتتحط جنب معلومة بتتحط جنب معلومة. وما ينفعش تاخده مرة واحدة هيروحوا مرة واحدة فالواقع العلمي -

00:16:38

مش بيناسبه التغيرات. الواقع الدعوي يناسبه كده. طيب هو اصلا لازم نعمل فصل بين العالم والدعاة؟ لأن طبعا هو اصلا الدعاية لازم يطلب العلم والعالم يبقى له دور والدعوة. فيه ناس بتتمحض لذلك نعم. مش بانكر كل الاختيارات مفتوحة. اهم حاجة الانسان لا يرتكب حراما ولا يتضيئ -

00:16:52

شاء امره الله بها. لكن انا بتكلم مش كل الناس تتسكن هنا بس او هنا بس طبيعة الانسان بلغوا عنه ولو اية. يتعلم ويمشي في طلب العلم ويدعو الى الله سبحانه وتعالى -

00:17:13

اللي عايز ينصر الدين وبالتالي هو محتاج يتعلم يوازن بين النفسيتين دول لازم يكون عنده في حياته اوقات سابتة واوراد سابتة ويضغط على نفسه لأن كل حياة لها لزتها يعني كل حياة من من حياتين دول لها اللزة بتاعتتها. ولها التعود بتاعتها -

00:17:25

فاللي متعود على حالة الاستقرار حياته آآ في قمة التنظيم عارف يعني لدرجة ان الشرابات كلها بتاعته ما فيش حاجة بتضيئ منها. يعني انت متخييل لما تكون حضرتك قمة الاصرار كل مسلا ما فيش حاجة بتضيئ لا الم ولا ما ما فيش حاجة بتضيئ -

00:17:50

حياته في ناس كده بالفعل يعني حياته في قمة مكتبه منزم او يعني في ناس كده بالفعل هو ده بيعيش آآ متعة معينة. شايل وقته ومتش اي نوع من انواع الشاي ومش اي وقت من اوقات الاكل -

00:18:06

ومتش اي وقت من اوقات النوم. حياته في قمة الاستقرار. فانت لو جيت في وسط الحياة كده دخلت قلت له في مشكلة حالا ننزل هو ما يعرفش يعني ايه حالا دي -

00:18:24

يعني هو الكلمة دي مش غريبة على ودنه يعني ايه حالا طول الوقت يقول لك لأنك عشان اعملها محتاجة اه مسلا شهر استخير مش متعددة كده الثاني بقى عكسه تماما. هي حياته كلها ايه -

00:18:35

حالا يعني ايه حياته كلها حالا؟ يعني لو جه حد قال له هنعمل ايه بعد بكرة؟ بعده بكرة يا عم خلينا دلوقتي في ساعتها بعد بكرة ايه اما بييجي بعد بكرة نبقى نرتبه. احنا الوقت -

00:18:52

حد عارف اصلا هيكون فين بعد بكرة؟ ولا ايه اللي هيحصل في دي طبيعة ودي طبيعة. وكل حياة زي ما قلت لها اللزة بتاعتتها حالة التغيير بيجرج حياة جديدة بيدفع الملل -

00:19:08

لكن بيفقد شيء من الاستقرار شرابات وضايعة يعني بيفقد بقى الایه اي اكل اي حاجة اي مكان اللي حواليه بيشعروا بنوع من التوتر واسرته في بيته يعني مش متعددين على الحاجة دي. طبيعة الناس اصلا بتتميل للاستقرار -

00:19:21

فيبيجد الم في حياتي وبيجد لزة. الثاني كذلك بيجد الم وبيجد لذة. ازاي ان الانسان يتخلص من اهوائي وينطلق الى العبودية ويشفوف ايه الارض ولله. دي صعبة جدا على النفس -

00:19:43

يعني ازاي ان دلوقتي الارض لله اننا في اللحظة الانية افض الاستقرار في المنطقة دي وانزل واتعلم علم انا متضايق منه. ومتش ومتش مفتوح لي فيه اوبي بس لانه بيتوjob علي -

00:19:59

بتغطي على نفسي ومشيت فيه رحت قال لك لأنك محتاج سنة وبعدين بدأت خلاص حياتي تستقر وفعلا بدأت امشي وبعدين طلع حاجة مشكلة تانية. محتاجة تغير تاني حتة. فده فعلًا صعب يا جماعة -

00:20:16

صعب ازاي انك توازن في نفسيك ما بين الثبات الاشياء الثابتة والاشياء المتغيرة لتكون الشخص الثابت وفقط وترفض اي تغيير في حياتك ده بيرفض فتوحات كتير بتجي له فرص حفظ قرآن حاجات في السنة آآ دعوة الى الله يتعلم حاجات يطور من نفسه هو لأن

حياته آما فيش فيها جديد في قمة - 00:20:31

والبناء الهدى ومش عايز اي حاجة جديدة. كل ما يتعرض عليه فرصة جديدة بس هيطلب منه الميعاد مسلا يوم كزا مسلا يوم التلات مسلا الساعة تسعه لأ ده معاد - 00:20:59

القهوة بتاعتي مسلا تقول له طب ما ايه المشكلة لما تضحي قال لك لا ما اقدر اصل القهوة دي هي اللي بتقعدني لغاية مسلا الساعة واحدة طب الساعة تسعه خلصت بتسعة ونص. لا ده ده معاد كزا - 00:21:15

هو مش قابل ان اي حاجة جديدة تدخل في حياتي فتجد ده ان لما بي فقد الشخص ده بي فقد فيه الاحداث الانية جنازة حالا تلاقيه مش موجود فيها موقف حاليا الان مطلوب منه انه يسافره لشخص الان يحتاج نجدة ما تحرکش - 00:21:28

اللي يقول لك لا هو المفروض قبل ما تحصل له مصيبة يقول لي قبلها باسبوع هتقول له طب ما هي حصلت يقول لك مشكلته بقى مش مشكلتي ومعرف ان قال اي يعني اقل معين عشان اسبوع. ده يعني اما اكون ضاغط على نفسى. عشان اعرف الحق اربط انا. فتلاقي ده - 00:21:48

واسرته مبسوطة منه جزء من اللي حوالينا مبسوطين لكن بي فقد في الطوارئ بي فقد فيه اللحظات اللي زي كده ما بي باش موجود الثاني هو اصلا عايش في الطوارئ. فبتلاقيه موجود على طول في الاماكن اللي زي كده - 00:22:06

يعنى خلص الجنائزه دي في بلد يطلع على الفرح اللي بعده في البلد اللي بعدها يطلع على مش عارف ايه. فبتلاقيه دول مبسوطين منه. لكن اسرته ازاي بقى ان هو يعيش يوم كده مسلا ويوم كده؟ صعبه جدا على النفس. يعني صعبه ان انت ازاي - 00:22:24

تقضي مطلوب منك يوم تنزل وتزور وتسافر واليوم اللي بعده قاعد في قمة الهدوء بتذاكر معلومة بتبنيها على معلومة على معلومة انت بقى لك خمس سنين بتبني في وبعدين بعدها باسبوع لأ ده جه الاعتكاف. اغلق ده الوقتي - 00:22:44

وبعد كده ارجع بقى شوال استقر تاني بعد كده اشتغل عشر ذي الحجة. موزم الحركة اصلا بعد كده ارجع استقر تاني يعني ازاي انك انت تتدرب على ده بيفرق جدا في دينك - 00:23:02

ده هيفرق معك لو انت بفضل الله نجحت بتوفيق من الله سبحانه وتعالى انك تسيطر على نفسیتك في النقطة دي دي هتفرق معك. وفي نقطة قبل ما اتكلم في مسألة العلاقات - 00:23:18

ان الناس بتتصور آما يعني عايز اقولها بس بصورة صحيحة عشان ما اباش بقولها بطريقة بتجرا فيها يعني اني بما انا انسان آما ايمانياتي كويسيه وديني كويسي بيقى كل المشاكل الثانية اللي في حياتي هتتصفح من غير ما انا اصلاحها - 00:23:35

لأ انت ايمانيتك كويسيه وصلاتك كويسيه ده هيختلي ربنا يعفو عنك ممكن ربنا يخلني الناس تحبك لكن ممكن تبقى حاجات في حياتك بايزه انت تحتاج تروح تصلحها تاني يعني شخص مسلا - 00:23:56

آما صادق بيحافظ على الصلاة بيحافظ على القيام لكن عنده مشكلة معينة في الاخلاق مش مش راضي يقف مع نفسه يعالجها تصلح لوحدها. لأ هي مش هتتصفح لوحدها هيفضل انت عندك حتة مسلا في الغضب - 00:24:11

بيقى عندك حتة في البخل يعني في عيوب مش بتتصفح حتى لو انت دينيا كويسي. يعني انت بقى الاعمال الفروض بتقوم بها وما بتعلمش بتقلل من المعاصي لكن دي تحتاج تشتفل على نفسك فيها. يعني في اخلاق محتاجة مجاهدة - 00:24:26

عشان تخلص منها. انما الحلم بالتحلم. يعني افضل اتغير مرة واثنين وتلاتة واشتغل على نفسی في موضوع هو الخلق ده واعرف ان انا هاغلط وابعد عن المواقف اللي بتخليني والاماكن اللي بتخليني اغلط - 00:24:49

واجاحد نفسى وابقى مركز مع نفسى. ده خط في الاصلاح بالإضافة لخط العبادة والدعاء فاهمين قصدى ايه؟ يعني في حاجات عشان تتصفح زي ما جزء من اصلاحها اقامة العبادات وكثرة الدعاء في جزء من اصلاحها انك انت تضغط على نفسیتك وتعاتب نفسك وتتقد تحاسب وتشوف - 00:25:04

انا مشكلتي فين؟ انا اخطأت كزا. طب انا هعتذر طب انا اغير من نفسى لذلك انت ممكن تجد انا بقول المعلومة دي ليه؟ لأن بعض الناس بيحصل لها حالة من الايه؟ عارف زي الايرور كده بيطلع كده اما يشوف شخص عبادته كويسيه وبيعطي في الصلاة بيعيط -

لكن ممكن في بعض المعاملات يت冲دم فيتهم بالرياء. لا هو مش منافق هو فعلاً لما كان بيصلّي هو كان بيصلي هو كان بيصلي فعلاً من خشية الله لكن هو نجح نجح في المنطقة دي من الدين. يا جماعة احنا الایمان عندنا الدين شعب - 00:25:40

لذلك ممكن واحد يكون منافق في منطقة من الدين وصادق. يعني غالب اللي بيحاول يحلّ نفسيات الانسان عايز يتعامل معه على انه ايه ابيض واسود يقول لك ده حلو ولا وحش - 00:25:59

يومكم حلو جداً في حلة وحش نص نص في حلة وحش نص نص في حلة لانسان نفسيته معقدة جداً مش بسهولة انك انت تصنفه آآ ده فاسد - 00:26:12

ده صالح. ده وحش. لأنّ هو متداخل. الانسان بداخله شعب. النفاق نفسه شعب فمن كانت فيه خصلة كانت في خصلة من النفاق يعني النفاق درجات. والايام درجات. مش كتلة واحدة. اما ان يأتي واما ان يذهب. فكذلك الاخلاق. فيه واحد - 00:26:25

زي مواد كده في مادة بر الوالدين سبعين في المية في الاخوة والصداق ستين في المية. في الشجاعة والاقدام وو آآ عشرين في المية. في آآ آآ مش عارف ايه كذا تمانين في المية. كذا تسعين في المية. فممك تشفوف النتيجة - 00:26:48

طبعاً هو اصلاً التصور اللي انا بقوله ده غلط لأنّ هو ده برضه تصور هندي بس بيديك للتقرير يعني فازاي هو في الباب ده كان ناجح وفي الباب ده كان ساقط وفي الباب ده شايل وفي الباب ده واحد رأفة وفي الباب ده يعني ازاي ده موجود؟ اه ده وارد جداً - 00:27:07

واحد يقول لك ايه ده ازاي لأنّ ده عايز بقى يا اما يلتمس له عذر في كل الأخطاء يا اما يقول انّ هو كان منافق يعني في شخصيات عايز لما يجي يتعامل معه يقول لك لا لا لهم ما بيفلطش. بس مش معقول ده انا شايفه بيعيط في في الصلاة - 00:27:23

واحد يقول لك لمحو كمنافق ما هو مش يا اما ما عنده اخطاء او يا اما هو كوييس في الحلة دي. وبيفلط في الحلة دي. وبالتالي اما نيجي نسقط الكلام ده على نفسنا بقى ما لناش دعوة بتحليل الناس - 00:27:39

اما تيجي نسقط الكلام ده على نفسك ايوة انت ممكن مش معنى انك كوييس في باب انك كوييس في كل الابواب فانت تحتاج تستغل على نفسك في الابواب الاخرى انت لما تكون مفتوح لك باب معين من ابواب الزكر من ابواب القيام - 00:27:52

ده لا يعني انك انت في باب حفظ اللسان. او في باب الاخوة والصداقه انك انت ايضاً جيد. لا انت تحتاج تصلاح ده. طيب يبقى تاني نلم الفكرة تاني قبل ما ندخل للنقطة الثانية اللي عايز اتكلّم عنها. الثابت والمتغير في حياة الانسان المسلم. ولا سيما في قضايا الدين. ده اللي انا بتكلّم فيه. ان احنا عندنا ثوابت - 00:28:05

في ديننا وعندنا احياناً متغيرات بتتطلب منك تدخل لحظي او تغيير لحظي في حياتك. في ناس بتحب الحياة اللي كلها ثوابت وفي ناس بتحب الحياة اللي كلها متغيرات. هي دي النفوس جبت على كده. طبعت على كده. لكنّ هو تحتاج يجاهد نفسه. تحتاج يجاهد نفسه. يغير من جزء من هذه الطبيعة - 00:28:25

قدر المستطاع. ويبقى عارف انّ عنده عيب او عنده اشكال في النقطة دي. انّ هو هو تقيل وعايز حياته كلها مستقرة. صعب جداً انك تطلب منه تدخل لحزى او اني لمشكلة حالية انه يتحرك الوقتي. ده صعب - 00:28:45

وتاني العكس صعب انك تطلب منه انه يثبت على شيء سنتين او ثلاثة صعب فهو يحتاج تدرس شخصيتها كوييس وتبقى عارف الاشكال عندك فين وبرضو عشان ما نقعد في نفس الخطأ الناس مش نوعين بس. ما هو ده درجات وده درجات - 00:29:02

لكن الخلاصة انت بقى عشان تكون شخص بيححقق نوع ما من التوازن ان انت يكون في حياتك فيه ثوابت وعندك مساحة للمتغيرات في حياتك لا حياتك كلها متغيرات فحياتك كلها مفتوحة على بعض ولا حياتك كلها ممنوع ان اي حاجة جديدة تدخل فيها - 00:29:17

يطلب منك اه تدخل لحظي عادي انك انت بيقى عندك قدرة على التضحية بشيء من هذه الثوابت ويندخل فيها ده احياناً مش بس بينسحب على اه اعمالك الدينية ونموك الديني. ده احياناً بيأسر على ده احنا بنتكلّم بقى على فرض. ده بيأسر على العلاقات اللي

بالشخص ده. زي ما اتكلمنا ان مسلا الشخص - 00:29:32

السابت في مجموعة بتحبه وجموعة بتكرهه او زعلانه منه والشخص المتغير الطلعات فيه ناس بتحبه وفيه ناس بتبقى دي زعلانه منه. يعني زي ما قلنا في الاول ده آآ بيقى آآ يعني تلاقي مسلا واحد عايز يتجوز الاولاني - 00:29:55

اللي هو السابت ده في واحدة تقول لك لأ عايزه آآ كل يوم في حياتي تلاقي واحدة بتشتكى ان يعني احنا عايزين كل يوم نكون في مكان لو العكس مش عارفين نقدر هو عايز يروح كل يوم مكان - 00:30:12

وده بيحصل كثير في الخلافات الزوجية اختلاف في الطبع في النقطة دي مسلا طيب احيانا ده بيأس على مستوى العلاقات ازاي ان نيجي الشخصية الاولانية الشخصية اللي هي آآ عايزه حياتها كلها تكون مستقرة ومش عايزه تعمل اي نوع من التغيير - 00:30:26

احيانا عشان تقوى علاقة مهمة في حياتك تحتاج تغير جزء كبير من نمط حياتك تاني احيانا عشان تقوى علاقة مهمة جديدة في حياتك يعني مسلا علاقة بصديق يقربك الى الله. بشيخ - 00:30:43

حد حتى على مستوى اهل الدنيا حد انت هيفيدك حد انت هيفيدك. لكن انت اكتشفت ان عشان تقوى العلاقة دي لها تمن دي نقطة يعني دي خلاصة الجزء الثاني من الدرس - 00:31:04

ان العلاقات لها ثمن العلاقات لها تمن. عشان يكون في علاقة اخوة بينك وبين حد ده له تمن. انت لازم تدفعه وعلى حسب التمن اللي بتدفعه على حسب مردود العلاقة - 00:31:22

كنت بسمع درس بصراحة جيد يعني الشيخ اسمه اظن ياسر الحزمي تقريبا يعني بيتكلم على الحازمي الحزيمة اتكلم على انواع العلاقات وان في علاقات مؤقتة وعلاقات دائمة وعلاقات ميغة وعلاقات مميزة وعلاقات آآ مستقرة. كان - 00:31:36

جيد وبحاول يجيب اسقاطات من السيرة. حقيقة درس جيد. استفدت منه يعني. جزا الله خيرا آآ هي سلسلة. نتكلم مرة عن العلاقات ومرة عن الحياة تقريبا وكله بحاول يسقط حاجات من السيرة. سيرة النبي صلى الله تلت دروس - 00:31:53

يعني فيهم ابداع جزا الله خيرا الشاي نرجع للنقطة اللي انا عايز اقولها ان العلاقات لها تمن وعلى حسب التمن اللي بتدفعه في العلاقة على حسب مردود العلاقة دي عليه - 00:32:11

احيانا واحد بيتصور نوع من انواع العلاقات وما بيدفعش تمنها ويرجع يزعل ان العلاقة عمالة تفتر. ما هو انت اللي ما دفعتش تمن العلاقة دي انت ما دفعتش تمنها او العكس - 00:32:22

انك بتدفع تمن لعلاقة هي العلاقة مش صحيحة اصلا فانت زعلان هو هي العلاقة دي غلط وآآ عشان ما اطولش حيلكم على الدرس عشان اتكلم في النقطة اللي عايز اتكلم فيها. هو الرجال جزا الله خيرا استفاض وقسم العلاقات وانواعها وتبعات كل علاقة عشان ما - 00:32:37

ما يعني ايه ما تتتصورش علاقة هتجيب لك مردود واسع وبعددين تقاجأ او العكس نيجي بقى على مستوى انا احنا اللي احنا عايزين يفينا في حياتنا الدينية. اللي انا عايز اتكلم فيه - 00:32:55

طيب نيجي على مستوى انا انت دلوقتي لك مسلا علاقة باخوانك في المسجد ولك علاقة درس او شيخ او ايا كان هذه العلاقة جارك في المسجد ايا كان هذه العلاقة اخوة - 00:33:09

وعايز ناس تقف جنبك في وقت زنقتك. فيه علاقة صداقة كان العلاقة دي. انا قلت ان كل علاقة لها تمن. نيجي للشخص الاول نيجي بقى يعني انا عايز اربط الفكرة بتاعة السابت والمتغير بموضوع العلاقات. نيجي للشخص الاول ليه حياته كلها سابته - 00:33:24

هبيجي علاقة معينة بتتططلب انه يغير طريقة حياته في اليوم ده عشان اخوه محتاجه والله انا انا ما بحبش بس انا بحب حد تكون مستقرة. ومش هينفع والله ابقي جنبه في هو كده اعزرنى لان دى زروف حياتي كده - 00:33:39

تاني موقف تاني في ميعاد تاني بزروف تانية. والله اصل انا اليوم ده اصلا عندي كذا اشوف الجدول يعني مش مش هينفع والله وانا بدعشت له كتير فعلا. انا مش هينفع اعمل كده - 00:33:55

التكرار ده كل مرة انت فين هو حياته كلها ما فيش فيها مكان اصلا يحط فيها حاجة جديدة ورافض انه يضحي باي حاجة زي ما قلت

حتى بميعاد القهوة بتاعه رافض انه يضحي به - 00:34:06

والغريب انه يبقى عايز الناس تراعي كل ده. يعني عايز اللي حواليه يراعوا كل التفاصيل اللي في حياته. فلما ييجي يحصل له مشكلة ايه ده الناس ما وقفتش جنبي ما هو انت اللي عملت كده. انت اللي صنعت هزه العلاقات الباهتة - 00:34:19
وبالتالي لما حصل لك مشكلة ممكن ربنا بيتعت لك حد يقف جنبك. ممكن ناس ترد عليك بنفس الرد. والله اصل مشكلتك دي كان عندنا ده معاد السندوتشات بتاع مسلا كزا - 00:34:35

هو طب انا محتاج حالا عربيتي مش عارف اتخبطت وواقف على الطريق مش عارف الدولي اللي مش عارف ايه ان شاء الله انا بس ازيد شوية حاجات كده واجي لك ان شاء الله - 00:34:47

خلاص انت اللي عملت كده هو ما تزعلش لما يجي لك الغريب ان الواحد احياناً بيشوف بعض الشخصيات كده ويزعزع جداً من الناس ما فييش صديق وما فيش حد بيقف جنبه الدنيا. طب ما هو ماشي هو ممكن يكون حد يعاملك بالفضل. وانا مش بقول كده وده يفضل ان يبقى موجود. لكن - 00:35:00

انا بتكلم على الطبيعي انا بتكلم على الواقعية. بكلمك بصورة واقعية ده اللي هيحصل انت ما بتديش للناس وقت الناس مش هتديك وقت. انت ما بتتضططش على نفسك عشان الناس الناس مش بتتضطط على نفسها عشانك - 00:35:19

انت ما بتضحيش عشان الناس الناس مش هتضحي بنفسها عشانك. ده الغالب ربنا بقى يرزقك حد شهم زي دكتور احمد سيف كده دي من عند ربنا بقى فانت مش هتضحي خلاص ما حدش هيضحي عشانك - 00:35:31
خلاص وتيجي طبعاً ان بسبب انه رافض يضغط على حياته لأن هو يا جماعة الفكرة في ايه عشان برضو اشرح لكم النقطة دي الفكرة ان دلوقتي الشخص ده هو عنده حاجات في حياته. وبعدين شخص تاني اللي هو صديقه وحصل له مشكلة. فيقول اكيد غيري هيروح. ما انا انا عندي حاجة انا اكيد مش بلعب. انا عندي حاجة مهمة - 00:35:45

فما يروحش العلاقة تفتر لانه ما عاش مع صديقي في المشكلة دي فعدت المشكلة دي وهو ما عاشهاش وما يعرفش تفاصيلها حصل مشكلة تانية وتالتة وصديقه اللي من اقرب الناس له بيمر بهموم وزروف واحداً واحداً وقضايا وهو مش عايش كل ده - 00:36:07

هو عايز العلاقة؟ مواعيد نتقابل مسلا مرة الساعة كزا وخلاص وبالتالي العلاقة بتكون في ده طبيعي جداً ان العلاقة يكون فيها نوع من الفتور. فلما يرجعوا يتقابلوا فقدوا المواضيع الكثيرة اللي كانت مشتركة ما بينهم - 00:36:27
فتلاقيه يتقابل وانت اخبارك ايه والله الحمد لله. وانت والله طمني عليك. الحمد لله. وتلاقي القعدة كلها ايه الله المستعان. وربنا يوفق وجزاك الله خيراً. وبلاش كده وما تبقالش ما تبقى تسأل. لا انت حاضر - 00:36:45

طب خلاص طب نكمel على الواتس هو فقد التواصل فقد الحياة المتداخلة اللي كانت موجودة. ده طبيعي جداً انه يحصل ده طبيعي جداً انه يحصل انت زعلان من ايه؟ دي يا جماعة محتاجة زي ما قلت لكم دي مش ده فهم للواقع - 00:37:01
انت زعلان من الناس ليه العكس بقى الشخصية اللي حياتها كلها متغيرة عيبها بنية ما بتتصبرش على العلاقات كثير يعني ممكن يبقى مرة مع شخص يقف جنبه لآخر مشكلة تانية ولا كانه يعرفها - 00:37:23

وبعدين شف صاحب تاني ويقف معه لآخر ويعيش معه شهرين يعني في قيمة الاخوة والصدقة وبعدين يقدر سنتين ولا كأنه يعرفها وحياته كده صديق قريب جداً جداً وحياته فيها نوع من يعني التضخيم شوية - 00:37:45

ويعيش معه فترة طويلة وبعدين يختفي ويشفيف صديق تاني. ويكون متقلب وده تلاقي شخص اللي هو معه بقى في الوزن يقول لك ده شهم جداً انه معي في اللحظة دي الشخص بقى اللي بقى له سنتين ما يشوفوش ده ندل جداً - 00:38:06
ده اختفى من الحياة الفكرة لا تكون ده ولا تكون ده يعني فعلاً آآآ خلق انت تكون متوازن ده صعب جداً. لكن ده بيريحك في مشاكل كثير في حياتك - 00:38:20

الذين اذا انفقوا لم يسرفوا ولم يقتروا وكان بين ذلك ايه هي دي الفكرة ازاي في علاقاتك وكان بين ذلك قواماً؟ لا متطرف او في العلاقات ولا جاف جداً في العلاقات - 00:38:37

اذا في ترتيبك لحياتك؟ لا متطرف جدا ولا في قيمة الملل والرتابة ازاي ان يبقى عندك مواعيد ثابتة واذاي يبقى عندك قضية متغيرة عشان ما تخسر علاقاتك بالناس. انا هنا مش بتكلم على مش قلت ثاني بكرر مش بتكلم بصفة - 00:38:54

وده يصلح للانسحاب عليه. مش هتكلم بصفة الاصلاح الاجتماعي في حياتك وصداقتك وحياتك وان كان ده يصلح لي انا بتكلم في علاقاتك الدينية ده هيأثر على دينك انت ازا كان - 00:39:12

الشخص الاول او الثاني شايف ان الطريقة دي مريحة في دينه كده ومريحة في حياته كده هتأسر عليه قدام لازم يضغط على نفسه لازم يحترم ان في اشخاص عايشين حواليه. لازم يدفع تمن العلاقات. لازم يفهم ان الحالة لها تمن - 00:39:26

وان وان اي علاقة لها تمن هي الحياة مش ماشي كده اخوك اللي عاش معك وقت وانت ضحيت معه ده ربنا بيقول والصاحب بالجنب قال الرفيق في السفرة الوحيدة سافر - 00:39:43

ده له حق اللي يقضى معك خمس ست شهور او سنتين ثلاثة. وبعدين تقطع معه تماما بدون اي مقدمات عشان اقامة علاقة جديدة وايغال فيها سم قطعها وبترها او اللي رفض ان اي حاجة جديدة تدخل في حياته - 00:39:57

وده ياما الواحد قابله ان شخص مسلا يكون بيشتكي. يقول لك انا وكانت ظروف وبنقل مسلا وما لقتش حد معندي ما هو انت بتقول له طيب انت وقفت جنب مين - 00:40:19

ويقول لك المفروض الناس ما تفكريش كده. انا ثاني باقول ده الواقع وان الناس آآتعامل بالفضل وان ناس ما تنتظرس اه ليربو في اموال الناس هو مش بيدي عشان ياخد ولا تمن تستكري. انا فاهم هنقول لهم كده - 00:40:32

بس احنا بنقول لك دلوقتي انت منتظري ايه انت قدمت ايه عشان تحافظ على ده؟ الحياة ما بتتحسبش كده الى العلاقات لا تقام بهذه الطريقة الباردة العلاقات لها تمن. انت لازم تدفعه. طبعا انا بخاطب نفسي اولا. يعني لان الواحد من كتر ما شاف اشكالات في نفسه بيتكلم على هذه النقطة - 00:40:48

مش او مش اقصد الشخص بعينه بالعكس الواحد كتر ما بيسمع في مسألة اه ازاي الواحد بينهرا زي ان النبي صلى الله عليه وسلم كان بيتحقق كل هذه المعادلات ده فعلا من عند ربنا. دهنبي - 00:41:08

ازاي كزوج وازيك يا صاحب وازي كمعلم وازي كقائد وازي في الادارة في في الدولة ازاي كل ده يعني صلى الله عليه وسلم ازاي يعني فعلا مش ممكن. وازي له ناس قريبين جدا منه لدرجة ان مسلا كتاب السيرة - 00:41:24

وده ايضا من حفظ الدين كل جزئية في السيرة يعني تم دراستها بصورة عميقه جدا. عدد كتاب مسلا عدد الذين اردفهم النبي صلى الله عليه وسلم خلفه تخيل اسمائهم مين اللي النبي في سفر يختار حد عايز يقرب منه فيستغل فلوس السفر - 00:41:45

بيركبوا معه على الدب ويتبادل معه هيركب شوية النبي صلى الله عليه وسلم ويركب شوية بيبيقوا ماشيين مقضين مع بعض وقت باسمائهم شوف انت في حرب مسلا سرية يعني مش طالعين مش الرحلات مش كانت رحلات تجارية يعني مسلا ده كان بيحصل في جهاد مسلا - 00:42:06

او في حج او عمرة ازاي النبي صلى الله عليه وسلم يعني ايه صلى الله عليه وسلم؟ مركز ان فلان وفلان وفلان محتاجين علاقة قريبة وفلان محتاج ان انا اقول له كزا وفلان محتاج فشبك بين اصابعه وقال له والله اني لاحبك يا معاذ - 00:42:25

يعني ازاي ويروح يسمع صوت فلان في قيام الليل. ويروح يقول لفلان سلني اطلب ويروح يقول له فلان كزا يدعوه له ويقول لفلان هصللي في بيتك يزوره ويصللي في بيته. ايه ده - 00:42:44

يعني ازاي النبي صلى الله عليه وسلم وازي يروح الغزو ويمشي وبعدين يقول هو فين فلان هل تفقدون من احد؟ فين فلان ما جاش ليه في وسط الجهاد الواحد بيحصل له مشكلة ولا حاجة في البيت بيني عيل من العيال - 00:42:59

ما كنتش مركز بقى في التفاصيل فازاي عدد كبير من المسلمين ويروح جهاد فين فلان؟ لا سيأتي به الله ويرجع بعد غزوة تبوك فاكر الثالثة عارف عارف يعني ايه مجتمع ورئيس يعني الدولة اللي النبي صلى الله عليه وسلم القائد الرسول وامم من الناس ويسأل على ثلاثة - 00:43:15

ويجي يقول له ده مختلف عن الباقي وعدد كبير يدخل والله انا كان عندي عذر منهم والله انا كان عندي المنافقين يجي عند كعب ا
عارف عارفه ولما هذا فقد صدق - 00:43:37

ويديهم هم الثلاثة معاملة خاصة ايه ده ازاي صلى الله عليه وسلم كان مركز في العلاقات دي مع ان المفروض الناس هي اللي بتقرب
هو النبي صلى الله عليه وسلم - 00:43:51

ازاي هو اللي شاغل باله يعني لها آمش فاكر ازن ابن كسيير في شرح سورة البينة لما كان بيتكلم فيليه آسبب ان آراح قرأ عليه
سورة البينة - 00:44:04

فجات ان كان في روایة تانية ان حس النبي صلى الله عليه وسلم حس ان سيدنا ابي في صدره بعض الحرج من موضوع القراءات
مركز النبي صلى الله عليه وسلم لما نزلت عليه سورة الفتح وراجع من الحديثة انت متخيلا يعني ايه الحديثة - 00:44:21

الحديثة دي يعني ان شاء الله ما اعرفش الدكتور احمد سيف لسه ما وصلهاش. لما يشرح لكم الحديثة وتعيش تفاصيل ادبية انت
ممكنا لو عش التفاصيل ممكن يجييك في لحظة قبل ما لو انت عايش مع الاحداث قبل بقى الانفراجة يجييك نوع من الغم -
00:44:42

مش قادر وابو جندل وابو بصير وبيتاخد مننا وليه وعمر بن الخطاب لما نرضي الدنيا وبعدين يرجع والنبي صلى الله عليه وسلم
يقول لهم احلقوا وما حداش يرضي يحلق فيدخل مداريق صلى الله عليه وسلم - 00:44:59

لام سلمة طب اعمل ايه ؟ تقول له قم احلق. وضع يعني في قمة الضغط يعني انت مش عارف. وبعدين لما تيجي سورة الفتح ينادي
سيدنا عمر هو اللي كان بيقول له فاكر - 00:45:10

المشكلة دي يبقى يسمعها بالنسبة لك الواحد خلاص يا حبيبي هيبقى يسمعها عمر بن الخطاب ويقرأ عليه اني انزلت علي سورة احب
الي من حمر النعم. ويقرأ عليه سورة الفتح - 00:45:25

ازاي يعني ازاي نركز في العلاقات الدرجة دي صلى الله عليه وسلم؟ يعني ازاي الاحداث الكبير ما بتضيعش منه التفاصيل دي لأن
هو كان بيعامل آآ دول كبشر دولبني ادمين هو خايف على دينهم - 00:45:39

مش اعداد دول بالنسبة له مش مجرد اعداد هو خايف على دين كل واحد لوحده خايف على دين فلان وخايف على دين فلان. وخايف
على دينه. هو خايف عليهم كان مركز - 00:45:56

زي ما اللي خايف على اولاده كده عارف ان ابني امبراح ما كلش سندوتش. في واحد مركز لدرجة انه عارف التفاصيل اللي ممكن
واحد يقول ايه يا عم في ايه يعني - 00:46:10

الام اه ممكن تبقى كده الاب ممكن ينسى اسم حد من العيال مسلا الام تبقى عارفة تفاصيل لما يكون واحد بيركز بيعرف يهتم بهذه
التفاصيل ازاي النبي صلى الله عليه وسلم في وسط زحمة الاحداث دي كلها؟ وكثير انت انا عايزك تقرأ السيرة - 00:46:20

بهذه العين انك قاعد بتتتبع النبي صلى الله عليه وسلم كان بيعمل كده ازاي؟ كان بي عمل كده ليه وازاي خد باله ان وهو اه في الخندق
ما يروحش يقعده لا يقدر وسطهم - 00:46:40

ويربط على بطنه حجرين عشان يبقى واحد منهم وسطهم والزلمة بينهم مشكلة كان يرجعوا للنبي صلى الله عليه وسلم وازاي هو كان
حريص انه يبقى وسطهم؟ وازاي كان يأتي الرجل ليسأل النبي صلى الله عليه وسلم لا يعرفه محمد صلى الله عليه وسلم من بين
الناس. واحد منهم - 00:46:53

يعني عايزك اما تيجي تقرأ السيرة تعيش تفاصيلها انت بتسمعوا السيرة مع الدكتور احمد سيف اسمعوا سيرة النبي صلى الله عليه
 وسلم. عايزك تقرأ كان اسمه ابو الحسن الندوى له كتاب في سيرة جميل المقدمة بتاعته - 00:47:10

كان بيقول آآ ان كل ما اقرأ كتاب سيرة كان عايز يكتب يجدد في السيرة بيقول ان المشكلة هو شايفها مشكلة وانا شايف ان فيها نوع
من الفوائد المشكلة ان كل اللي بيكتب سيرة - 00:47:25

بيأسر عليه اه طبيعته وزيفته. فالقائد مسلا عسكري بيجي يكتب السيرة مركز على مسألة الفتوحات واحد في الدعوة مركز على

مسألة الدعوة واحد اجتماعي مركز على الجوانب الاجتماعية في حياة الانسان. فيبيقول ان غالب كتب السير اللي هو قابلاها بتكون محتنأة - 00:47:38

هو لقى نفسه هنا طيب ما هو النبي صلى الله عليه وسلم اسوة في كل حاجة صلى الله عليه وسلم الاسوة في الخير في كل شيء. فانا داخل في السيرة ببحث عن مسلا - 00:47:57

يعني انا مش فعل مش عارف اللي جه في دماغه انه يجمع اسماء وعدد الذين اردفهم النبي صلى الله عليه وسلم يعني انت ممكن
انت تقرأها عادي، بتقرأ في، موقف كذا فاردف فلان. ماشي؟ كذا اردف. عادي، بتعديها - 00:48:07

هو بقى ليه فلان؟ وفي الغزوة دي وقال له ايه؟ وهل اللي قاله له ده الحديث ده هو اللي رواه الصحابي ده؟ واعلمون الصحابي ده كان مقل في الأحاديس، روى الأحاديس، بي تحدّي - 00:48:21

يبقى معنى كده ان النبي قالها له. صلى الله عليه وسلم النبي صلى الله عليه وسلم اظن عقبة بن عامر علموا آآمش فاكر الحقيقة نصيحة عايزة اظنه في النسائي كان ذكره ابن كثير في تفسير سورة الفلق والناس. علمه سورة الفلق والناس اظن كان في سفر -

00:48:34

هو راح طلب النبي صلى الله عليه وسلم قال علمي سورة يوسف علمي سورة هود علمي سورة يونس. عايز سورة كبيرة النبي عليه اقرأه الفلق والناس. فكانه يعني ايه تقال لها كده يعني؟ عايز حاجة - 00:48:52

فالنبي صلى الله عليه وسلم طلع صلی بسورة الفلق والناس انت متخيّل دي رسائل صلی الله عليه وسلم وعارف وب يقدم هنا رسائل
ومركز في العلاقات السلام عليكم ورحمة الله وبركاته - 00:49:07

بسم الله والصلوة والسلام على رسول الله صلى الله عليه وسلم كنا بنقول ازاي اللي بيقرأ سيرة النبي صلى الله عليه وسلم يركز في مسلا مسألة دولة الامر اللي انتقده الندوى ان ده ممكن يكون بالنسبة لك يفتح لك باب جديد في فهم السيرة - 00:49:22

ان واحد مسلا مركز بيقرأ في السيرة مركز في علاقات النبي صلى الله عليه وسلم يعني لما النبي يقول اني لاعرف منازل الاشعيرين عارف هما ساكنين فيين طب عرف ازاي لما نزلوا في المدينة قال من اصوات قراءتهم بالليل طب برضو عرفها ازاي - 00:49:40

فِي الْمُسَاجِدِ إِذَا قَدِمَ الْمُؤْمِنُونَ

انت متخيل؟ عارف اصوات الناس اللي بتتصلي بالليل فين؟ في المدينة هو ده النبي صلى الله عليه وسلم وده في المدينة يعني في قمة الانشغال.. مش مسلا لسة فـ دار الارقم؟ - 00:50:10

اذاي كده ازاي مسلا النبي صلى الله عليه وسلم واحنا دي بنقولها في الايه؟ في في الالغاز في السيرة. اللي هو ايه؟ من صاحب سير دسما الله صل الله عليه وسلم ما انا الخطيب بحواره دسما الله امهما - 00:50:24

يبقى النبي صلى الله عليه وسلم كان حريص ان ممكناً يدي لمعزم الناس القاب معينة وعلاقات خاصة بيوزع العلاقات الخاصة فيه واحد بس يعني ازاي في حد قريب في مسألة المنافقين في حد قريب في مسألة الخطابة في حد قريب في مسألة النقاش في قضايا معينة - 00:50:39

ایه ده المبهداں الی بیعمل کده النبی صلی الله علیه وسلم الی هو فی قمة الانشغال الی انت لو الواحد عنده عشر معشار الشغل ده
مش هیبقی فاضل حد. و بیقی کل هدفه - 00:50:59

هي الناس اللي تراعيin ما بنراعيش الناس الناس هي اللي اانا اللي مشغول يعني وده بيكتب كل ما للأسف غصب عن الانسان كل ما يدتقى في درجات معينة بسقى شايف ان الناس اللي تراعيin مش اانا اللي اراعيها - 00:51:13

اذاي النبي صلى الله عليه وسلم مع ضغط الاحداث المتتالية دي لا يفقد هزه العلاقات يعني مسلا من الاحاديس الجميلة لكم اكيد عارفينها بس، انا بيعيني دد النبي، صلى الله عليه وسلم - 00:51:28

لما جه سيدنا عمرو ابن العاص بعد غزوة غزوة السلاسل. يعدين حس، ان هو ايه النبي يقى، في غزو وامرءه عليهما. اكيد انا احب

واحد للنبي صلى الله عليه وسلم - 00:51:43

معنى ان الاحساس ده يجي له بيقى النبي صلى الله عليه وسلم كان بيستطيع انه يوصل الاحساس ده لمعظم الناس. عمرو بن العاص اسلم حديسا الناس مسلا كانت بتقول جرير بن عبد الله البجلي. النبي كان بيحبه يعني. واسلم بعد نزول المائدة - 00:51:53

وفي الحب ابن الحب. يعني الاحساس ده انه يوصل لمعظم الناس ممكنا يسلم حديسا لكن النبي بيحبني كتير دي جبهة منين اكيد بمواقف فلما عمرو ابن العاص جه للنبي صلى الله عليه وسلم قال له من احب الناس اليك - 00:52:08

زي ما قلت لك الدافع للسؤال ده ايه ان وصل له رسائل من النبي صلى الله عليه وسلم حسسته ان النبي بيحبه جدا وده كان بيوصل لموم الصحاوة احنا بنعرف نوصل الرسائل دي للناس - 00:52:28

انت علاقتك الخاصة بفلان مش هتفقدها. وعلاقتك بفلان هتحافظ عليها. وعلاقتك مع فلان سابلها بيلالها. وتحافظ على العلاقات. ما بتخليةاش تنسف وتتكلسر زي ما النبي قال نحافظ عليها اصلاحوا ذات بينكم. الزات اللي بيننا عشان ما تتكسرش محتاجة كل ما حاجة تبوز فيها تتصلح - 00:52:41

ما بتقاش زي الحاجات اللي عندك في البيت بايظة ما اتصلحتش بقى لها فترة فخلاص انت فقدت الامل فيها. كل ما حاجة الحق صلحها الاحساس ده وصل لسيدنا عمرو فجه سأل النبي صلى الله عليه وسلم من احب الناس اليك؟ يعني - 00:53:01

الاعجاز النبوى ان ده حصل يعني ان الحواجز تتكسر لدرجة انه يحس الاحساس وانه يروح يسأله زي اللي جه للنبي صلى الله عليه وسلم قال ازن لي في الزنا - 00:53:15

يعني كيف جرؤوا على ذلك ازاي الحواجز وصلت انه قدر يوصل للنبي صلى الله عليه وسلم ويقول له اذن لي في الزنا الواحد ما يقدرهاش يقولها لاصغر طالب علم ازاي النبي صلى الله عليه وسلم وصل للناس في العلاقات انه يسمح له انه يقول الكلمة زي دي - 00:53:29

سيدنا عمرو بن العاص لما راح للنبي قال له كده رد النبي صلى الله عليه وسلم مبهر النبي عارف هو بيسأله ليه ودي برضه ما يعرفهاش غير حد مركز في العلاقات. والاجابة دي في الاول ما تطلعش كده - 00:53:53

وعايز ينقل الحوار خالص برة قصة الرجال. فقال عائشة بحب مراتي ليس عن هذا من الرجال هو اللي صمم بقى لكن شف الاجابة هو مش عايز يجرحه مش عايز يكرب - 00:54:06

وصل يعني مش عشان اراضيه وفيه ناس من عرضيك هزعل ناس تانيين فازاي يعني شف الحكمة النبوية؟ قال عائشة وهو عارف هو مش بيسأله عن عائشة. قال من الرجال برضه ما قالوش ابو بكر - 00:54:23

في رواية لشهر قال ابوها يعني ايه عشان ده ابو اللي انا بحبه قال ثم من؟ انت مصمم بقى عمر. قال ثم من؟ قال عثمان خلاص بقى واضح ان انا اسمي مش مكتوب - 00:54:42

فالشاهد شف عادي ممكن الواحد لما يكون مش مركز في علاقات عادي ممكن يجرح اي حد ما فيش مشكلة انا ما لي اصلا ان مهم جدا عشان تحافظ على علاقاتك بالناس انك تركز في علاقاتك - 00:54:55

لا تكون الشخصية اللي هي مش فارق معها علاقات جديدة. المهم حياتي تكون مستقرة مش فارق معي اكسب شخص ولا احافظ على علاقتي بشخص لان ده هيطلب منك تغير في جزء من ترتيب حياتك - 00:55:16

الناس ما بتقاش فاهمة تمن العلاقات انه يضغط على نومه ويضغط على ترتيب وقته ويضغط على جزء من دنيته عشان يحافظ علاقته باخوه هو مش فاهم تمن ده يضحي عشان اخوه مش عارف تمن ده - 00:55:31

مهم الشخصية الاولانية تفهم كده. ومهم الشخصية الثانية اللي بتقضى وقت طويل مع حد وبعددين شخص تاني هو عنده نوع من الملل لا ده مهم يتعلم ان بعد فترة كده بيصنع يعني مش عايز اقول عداوات بس بيصنع فجوات - 00:55:48

بينه وبين ناس كتير فالانسان ازاي يكون متزن نفسيا وازاي الانسان يحافظ على ده في حياته ويكون مركز مع نفسه وركز مع الناس ويتعامل مع الناس برفق كان كلمة جميلة قالها لي احد المشايخ جزا الله خيرا - 00:56:07

ناقشت في مشكلة مع حد يعني فانا كنت زعلان منه هو اكبر مني فانا زعلان منه لأ هو اللي لازم يصالحي وهو اللي لازم
مش قال لي بص - 00:56:26

لو عملته انك خايف عليه وكان انت اللي بتدعوه وعايز انت اللي ترتفقي به لو انت فكرت فيه بالنفسية دي هتلaciك عملت بنفسية
ثانوية هتلaciك سامحته وتغاضيت عنه لكن طول ما انت بتعامل عايز حقك هفضل مركز في التفاصيل دي - 00:56:37

لكن لو انت بتعامل خايف على الناس وخايف تحاسبه على الغيبة اللي قالها وخايف تحمله من الاوزار وانت مش عايز تطلعه غلطان
انت عايز الامور تتصلح وخلاص مش عايز تكسبوا واحد صفر يعني - 00:56:55

لو انت خرجت من النفسية دي هتلaci الامر بقى سهل لكن لو انت مصمم انت تكسب وانا مش غلطان وهو اللي عمل طول ما انت
بتفكر دي هتلaciك قاعد عادي بتخسر حد والثاني - 00:57:08

لذلك بينشأ للأسف احيانا فكر يعني ببقي فيه مصلحة شوية في العلاقات بيفكر في مصلحته وبس فقط طبعا ده مشكلة نرجع تاني
معلش انا بعتذر طولت عليكم وكانت دي دردشة كنت منتظر الدكتور احمد سيف بس واضح ان - 00:57:23

خلاص يعني نعيد تاني عشان نقوم نصلي العشاء. نعيد تاني الفكرة المحورية اللي انا عايز اقولها الثابت والمتحير في حياة المسلم.
الانسان يحتاج يقاوم نفسيته ما يسيبش آآ الطبع بتبقى غلابة. لازم هو يقاوم ده. في شخص زي ما قلت لكم - 00:57:40

اه طبع او هو دايما بيحب حياة الاستقرار. لما بيطلب منه اي تغيير في حياته يضجر يقول لك مش ممكن ومستحيل ولازم كل حاجة
تكون مترتبة. ولو ا تعرض عليه اي جهد ديني او مشروع ديني. وفيه جزئية ناقصة ما يعملاهاش. لما تكون مستقرة - 00:58:00
تماما وواضحة تماما وكل معالمها مرسومة بيبدأ يجي بيبدأ الاول يسكنها في جدوله وبعدين بيبدأ يجي. وحياة ما بتتمشيش غير كده.
و فيه شخص لأنو هو كل اسبوع عايز حاجة جديدة - 00:58:16

ازاي يكون في حاجات في حياتك سابتة على مر الزمان يعني ممكن تقدر عشر سنين في ناس على فكرة قعدت تطلب علم معين
واحد عشر سنين يعني خلص المرحلة الاولى والمرحلة الثانية والمرحلة الثالثة - 00:58:31

بالرغم ان ده سابت في حياتي ولجزء من الحياة متغير لجزء طبعا ده غير الجزء الدنيوي المتغير كلية بيتخرج يشتغل يتجوز ده اصلا
متغير. لأنكم له جزء في الدين بيتغير. بيشتغل في الصغر ده في الدين ويتجرب اعمال خيرية ويتجرب كذا وينزل في الدعوة الى
الله. لكن في جزء - 00:58:48

ثابت فازاي بيقى لك جزء سابت في حياتك وفي نفس الوقت تسمح بدخول بعض المتغيرات في هذه الحياة. النفسية دي صعبة قلت
لكل بالزيط تشبيه زي اللي بيطلع من ايه؟ السخن البلدي والبارد السخن - 00:59:10

يعني تلاقي شخص طلب منه حالا يعمل حاجة خلاص فخرج وهو المفروض كان حاطط جدول انه هيزاكر عامل وقت مذاكرة وهو
طالب علم مجتهد من عشرة لساعة ثلاثة الفجر هيزاكر - 00:59:27

مسلا يعني جه مشوار مفاجئ من عشرة لاتناشر ازاي يقدر يرجع اتناشر ونص يقدر يكمل مذاكرة ازاي يقدر يعمل دي يقدر له اسبوع
في حاجة زي كده يعني ازاي يتعلم يعمل كده - 00:59:43

طيب خرج وحياته اصلا شغل دنيوي غالب وغالب وقته برازاي يتعلم بيجي يقدر مش متعدد على القواعد؟ لأنك انت تحتاج
تعلم القعاد او العكس واحد حياته شغله الدنيوي اصلا وقاعد في البيت بيشتغل مسلا - 01:00:05

شغله من على النت مسلا هتلaciه تقيل اتحرك اخرج لأنك عايز حاجة ايه برضو في الدين وانا عارف مش عايز يغير من نفسه انا
طبعتي بحب القعاد عايزكم شغل الدين ببقي القعاد انا طبيعتي بحب الحركة - 01:00:20

عايز شغل الدين يقول لك خلاص حد يعلمني واحنا بنجري جمب بعض العلم عايز واحد يقول لك لأن ما انا ما بعرفش اقدر
ازاي انك تتعلم تضغط على نفسائك وتكتسب هذه المهارات الجديدة؟ الخلاصة كلها كيف تحقق العبودية لله سبحانه وتعالى؟ حتى لو
خالف - 01:00:34

اهوائك حتى لو خالف طبيعتك الشخصية آآ ده برضو مهم انك يعني تستفيد من طبيعتك الشخصية وتنميها في صدرك وتضغط عليها

- في جزء والامر في الاخر عايز موازنة. اسأل الله سبحانه وتعالى ان يستعملنا ولا يستبدلنا. وان يصرف عنا الفتن ما ظهرها منها وما

01:00:53

ان يوفقنا لفعل ما يحب ويرضى. وان يبلغنا رمضان. اللهم بلغنا ليلة القدر. اللهم اعنا فيها على ذكرك وشكرك
وحسن عبادتك اللهم تقبل منا اعمالنا ووفقنا لفعل ما تحب وترضى. اللهم ربنا اتنا في الدنيا حسنة وفي الآخرة حسنة وقنا عذاب النار.

اقول قولي هذا واستغفر لله لي ولكم. سبحانك الله وبحمدك - 01:01:11

استغفرلك واتوب اليك. جزاكم الله خيرا - 01:01:31